

**2<sup>DA</sup> SESSIONE URDINARIA DI U 2024**  
**RIUNIONE DI I 26 È 27 DI SETTEMBRE DI U 2024**

**2<sup>ÈME</sup> SESSION ORDINAIRE DE 2024**  
**RÉUNION DES 26 ET 27 SEPTEMBRE 2024**

**N° 2024/O2/052**

**Question orale déposée par Mme Marie-Claude BRANCA  
au nom du groupe « Core In Fronte »**

**OBJET : CHÌ SEGUITA PÀ I CARTULARI IN CORSU ?**

Sgiò Pridenti,

Numarosi sò i prublemi, numarosi sò i vosci prumissi d'arrigulà li prestu. Eppuri ci hè accadutu à spissu di dumandà vi quì « À chi ni semu ? »

In sta dumanda parlaremu di u spussessu fundiaru è di a lingua. N'avemu parlatu tanti volti in cummissioni, in sissioni in i dumandi urali... 2 prublemi à u centru di a rivendicazioni nazionali è di l'aspirazioni di u nosciu populu.

Dopu à l'azzioni di Cori In Fronti, di luddu di u 2022 in Casalabriva, aviati dicitu di crià una cummissioni pà metta in piazza un quattru chì parmittaria à i cummuni di facilità l'accessu à a pruprietà pà a prima volta. Ci hè stata una prima riunione intarissanti u 16 di dicembri di u 2022. Da tandu s'aspetta sempri a seguita.

Par quantu cuncerna a lingua aspitemu sempri un veru pianu d'orientazioni di a lingua. U sviluppu di a lingua è di a cultura devi essa una di i nosci primuri maiori. A cummissioni di a cultura è di a lingua hà travaddatu mesi è mesi scuntrendu attori di l'educazione, di a cultura di u suciali, di l'ecunomia. A sintesi hè stata fatta di luddu di u 2023 è prisintata in sissioni qualchì mesi dopu. Ma da tandu aspitemu sempri a prisintazioni di stu pianu d'orientazioni di a lingua incù misuri definitivi è concreti.

Si vo vuleti chì u nosciu populu ritruvessi a cunfidenza è a spiranza duveti falla finita incù a tralasciera è i prumissi chì ùn vanni indocu.

Allora vi dumandemu semplicamente : ci pudeti dà una data pà a finalizzazioni di sti dui punta.

Vi ringraziu.